



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mechlinia Illustrata Luce Miraculorum S. Francisci Xaverii
Orbis Utriusque Solis Ac Thaumaturgi Chronicis Distichis
evulgata Anno M.D.C.LXVI.**

Grumsel, Gérard

Mechliniae, 1666

Approbationes Beneficiorum

urn:nbn:de:hbz:466:1-13399

ram Deo maturè consideratis, decernendum post longam, & sæpius iteratam inquisitionem putavimus, prout per præsentés decernimus, posse dictæ Catharinæ sanationem tamquam miraculosam, & per merita Sancti FRANCISCI XAVERII à Deo factam, & impetratam censeri, & publicari; & ut talem publicamus & censere nos testamur: Auctorem omnium Deum rogantes, ut sicut Indiarum gentes Sancti FRANCISCI XAVERII dum vixit, prædicatione, & Miraculis Ecclesiæ suæ aggregare voluit, ita modo hisce in partibus ejusdem Miraculis, & intercessione fideles populos velit in eadem conservare, & confirmare; eosque, qui quovis errore ab eâ segregati sunt, ad eandem benignè reducere. In horum omnium fidem hæc manu propriâ signavi, & Vicariatus nostri sigillo muniri curavi. Die XIX. Mensis Martii, Anno Domini 1664.

Locus * Sigilli.

J. HOEBRAKEN

APPROBATIONES BENEFICIORUM

§. I.

ANDREAS Dei, & Apostolicæ sedis gratiâ Archiepiscopus Mechliniensis Omnibus has visuris salutem in Domino. Cum in dies clarescant plura, ac plura Beneficia quæ divina manus largè conferre dignoscitur ad sacras Reliquias de Brachio dextero magni Indiarum Apostoli S. FRANCISCI XAVERII in templo Societatis JESU Mechliniæ fidelium venerationi, nobis approbantibus expositas, de iisque per Revend. Admodum Dominos Commissarios ad hoc deputatos legitime sint captæ informationes: Nos per eos debite informati (quamquam non dubitent quin complura Miraculis à nobis merito adscribi posse viderentur) maturiori adhuc examini illa cum aliis reservantes neque certi quidquam in præsentiarum decernentes, vulgari typis omnia dumtaxat permittimus, in fide bonâ eorum, qui se à S. FRANCISCO XAVERIO accepisse apud suprascriptos Reverendos Admodum Dominos Commissarios legitime deposuere, ut videant omnes non esse abbreviatam manum Domini, quin salvare possit, etiam in particula Brachii Servi sui: adeoque incitentur ad divinam ejus misericordiam per Sancti sui intercessionem ferventiùs implorandam, & feliciùs consequendam. Datum Mechliniæ die decimâ sextâ Mensis Februarii, Anno Domini 1662.

Locus * Sigilli.

ANDREAS Archiepiscopus Mechliniensis

Idem Illust: Dominus alias Approbationes de aliis beneficiis similis formæ dedit XXI. 11.
Novembris M. DC. LX. & XI. Februarii M. DC. LXI, Et hanc extendit ad nova Beneficia xx. Septemb. M. DC. LXII. 11. Octob. M. DC. LXIII. xxviii. Novembris M. DC. LXV. Die verd xxii. Oct. M. DC. LXVI. eandem extensionem Galparis Scheerlinck Noviti Societatis JESU Mechliniæ ut Miraculum novæ formæ approbaturus, si instrumenta, quæ à RR. Adm. DD. Commissariis Mechliniæ legitime confecta esse intellexerat, Bruzellis fuissent ad manum. Superveniens inexpectata Hemiplexia, & subsequuta mors viri, quæ subscriptionem, quæ sola deest, impedit.

§. 2.

F. AMBROSIUS Capello Dei & Apostolicæ Sedis Gratiâ Episcopus Antverpiensis Omnibus has visuris salutem in Domino.

Cum intellexerimus in subiecto nobis oppido Lirano, aliisque varia beneficia obtineri imploratâ ope S. FRANCISCI XAVERII Indiarum, ac Japoniarum Apostoli, cujus sacra Reliquiæ de Brachio dextro in templo Societatis JESU Mechliniæ magno concursu, ac fructu à confluyente undique fideli populo coluntur: commisimus R. R. Adm. D. D. *Gassari Smits* Oppidi Lirani Plebano, & Christianitatis Decano, ac Sac. Theologiæ Licentiato, & *Edmundo Bedingfeld* Canonico Ecclesiæ Collegiæ *S. Gommari Liræ*, ut inquirerent nominatim in beneficia, ac gratias, quas per intercessionem ejusdem S. FRANCISCI XAVERII obtinuisse se profiterentur *Anna Tomas* filia Lirana annorum circiter 33. & *Catharina van Hoef* Uxor *Petri vander Elst* Civis Lirani. Qui commisso à nobis munere ritè fungentes exactâ primum jurisjurandi religione, legitima de iis consecere instrumenta, quæ ad nos transmissere, quibus ipsi etiam subscribere. Et quia judicamus piè, ac prudenter credi posse non sine singulari patrocínio ejusdem Sancti illa Beneficia esse ab iis obtenta, nihil ulterius modò decernentes, permittimus ut ea, pro ut in illis instrumentis narrantur, typis vulgari possint, in bonâ fide deponentium fide, ut eorum novitiâ excitati fideles subiecti, aliique in tribulationibus suis auxilium opportunum quærere, & invenire valeant ab eo, quem approbatis ab Illust. ac Rev. Mechliniensium Archiepiscopo Miraculis, aliisque Beneficiis illo in loco mirificare videtur velle Deus, qui etiam hodie in particulâ Brachii Sancti sui innovat signa, & immutat mirabilia; glorificat manû & brachium dexterum suû. Datum Antverpiæ 29. Aug. 1662.

Locus* Sigilli.

F. AMBROSIUS Episcop: Antver p:

JOANNES ERNESTUS Baro de Surlet Eccl. Cathedralis Leod.
 Canonicus, & Collegiatæ oppidi Vifetensis Abbas sæcularis, nec
 non Ser.^{mi} Episcopi & Principis Leodiensis Vicarius Genera-
 lis &c. Omnibus, & singulis has visuris salutem in Domino.

Quemadmodum non unum locum percurrit S. FRANCISCUS XAVE-
 RIUS Japonia, atque Indiarum à Societate IESU gloriòsus Apostolus, ut Dei
 nomen portaret coram exteris gentibus, & Regibus, ita non uno in loco nomen
 ejus prodigiòsis beneficiis, & miraculis hæc tempestate clarum reddere videtur Deus: Mech-
 linia præsertim ad Sacras ejus Reliquias miraculis ab Illust. & Reo. Domino Archiepiscopo
 Mechliniensi approbatis insignes, pluribusque aliis Beneficiis ab eodem, & aliis Ecclesia Pæ-
 sulibus ritè jussu examinari, & typis vulgari. Hæc Miraculorum, ac Beneficiorum sanæ Dice-
 cesim Leodiensem penetravit, in quâ complures grati agnoscunt se peregrinationibus, aut vo-
 tus ad prædictas Reliquias directis, solatium in morbis, aut tribulationibus suis invenisse, præ-
 sertim in Districtu Archidiaconatus Condroyensis, Quare commissimus Vener. D. Matthiæ de
 Amezaga Canonico regulari in Cloisterade, Præposito, & Pastori Limburgensi, ut au-
 thoritate nostrâ examinaret, quæ per Sancti sui invocationem beneficiè illic operari dignaretur
 Deus, nosque debitè informaret. Hic itaque testatum facimus accepisse nos à prædicto domi-
 no instrumentum ritè formatum, quo palam fit, quòd Maria Anna Garaff filiola trime-
 stris, cum toto capite collo, atque adeo toto corpore plena esset tumoribus, glandulis & aposte-
 matibus, & præsertim duo majora haberet sub axillis dura; eumque de postea curationis spe
 omni manum subtraxisset Chirurgus, ad invocationem S. FRANCISCI XAVERII,
 cultumque Imaginis ejus, ac usum olei ex lampade Mechliniæ ante sacras ejus Reliquias
 ardente allati, intra paucos dies sit sanata: id quod præter parentes, & aviam ipse Chirur-
 gus juratus est testatus, agnoscens hæc in re divinam virtutem, prout agnovère etiam duo
 alii experti Chirurghi desuper consulti. Quæ nos considerantes, & honorare volentes, & de-
 siderantes ab omnibus honorari, quem Deus tot signis, & prodigiis ad prædictas Reliquias
 in templo Societatis IESU Mechliniæ expositas, ostendit se velle honorare: Declaramus vi-
 deri nobis, piè, ac prudenter per sanationem istam attribui intercessioni S. FRANCISCI
 XAVERII: atque ita permittimus, ut ejus enarratio typis vulgari possit in bona sic depo-
 nentium, atque attestantium fide: Gratiâ agentes Deo quod etiam ad hanc Diocesim no-
 stram, virtutem Brachii sancti sui patiatur extendi, & dilaudantes solertem eorum pieta-
 tem, qui in afflictione constituti vota ad prædictum Sanctum prædictasque ejus Reliquias di-
 rigunt: in quorum fidem hæc manu, & Sigillo nostris munitas expediri jussimus. Datum
 Leodii in ædibus nostris claustralibus Anno M. DC. LXIV. Mensis Septem-
 bris diè decimâ terciâ.

Locus * Sigilli.

JOANNES ERNESTUS DE SURLET.
 Canonicus & Vicarius General. Leodiensis.

R 3

JUDO-

Judocus Houbraken Ecclesie Cath. Antverpiensis Canonici, & Episcopatus Sylvæducentis vacantis Vicarius Generalis, omnibus has visuris salutem in Domino.

Cum muneris nobis impositi obligatio exigat singularem à nobis haberi rationem eorum, quæ ad Orthodoxæ fidei confirmationem, præsertim in locis Heterodoxorum Domino subiectis, per Sanctorum suorum invocationem & intercessionem patrare dignatur Deus; palam facimus, quod, postquam se in ea late extendit non tantum fama Miraculorum juxta approbationem Illust. & Rev. Domini Archi-Episcopi Mechliniensis patrorum ad Reliquias S. Patris FRANCISCI XAVERII *Mechlinia* in templo Societatis JESU publicæ venerationi expositas: sed etiam, ut ad nos fuit relatum, virtus ipsa dictarum Reliquiarum operante Deo multis salutarium; nominatim inquiri curaverimus in sanitatem, quam voto ad præfatas Reliquias directo *Sylvæducis* obtinuit *Maria* N. uxor civis Sylvæducentis ab ægritudine, quæ per sesquiannum juxta judicium Medicorum incurabili, & in perfectam paralytim degeneraturâ laboraverat, subito vindicata: Commissarios ad id constituimus Ecclesiasticos viros spectatæ virtutis, & doctrinæ, minimèque suspectos, qui exacto prius juramento acceptas legitimè informationes legitimis tabulis, à se quoque subscriptis, ad nos transmiserunt cum expressione nominum, & mulieris sanatæ, & Doctorum, ac Chirurghi deponentium, quæ hic iustis de causis subticemus. Et cum in præsentiarum nec necessitas, nec commoditas sit omnia secundum S. Concilii Tridentini placita ulterius discutiendi, nihil aliud modo decernentes, declaramus piè, & prudenter dictum sanitatis Beneficium à præfata *Maria* obtentum S. FRANCISCI XAVERII apud Deum intercessionem posse adscribi: & ut tale vulgari in jurata deponentium fide; simulque hortamur universos, Catholicos quidem ut fiduciam suam in Deo, ejusque Sanctis, & nominatim S. FRANCISCI XAVERII viri planè Apostolici patrocinio collocare utiliter pergant; alios verò, ne claræ veritatis soli oculos claudant, sed cognos-

cognoscant & ipsi hodie magnalia Dei, quæ facit in medio eorum ad invocationem S. Servi sui. In quorum fidem præsentem dedimus *Antverpiæ* sub manus propriæ signaturâ, & vicariatûs nostri Sigillo die xxx. Octobris, Anno M. DC. LXII.

Locus † Sigilli.

J. HOUBRAKEN

§. 5.

Amplissimus ac Reverendus Adm. Dominus D. Oliverius D'Esse Vicarius Generalis Episcopatus Midenfis & Luñensis vacantis in Hibernia, postquam diligenter inquisivisset in modum, quo sanatus est Dublini Guilielmus Baron ab incurabili ulcere ad cultum S. FRANCISCI XAVERII usumque olei Xaverianæ lampadis Mechliniæ ad miraculosas Reliquias ardentis, eumque super eo per se ipse, aliosque qui diu noctuque aegro adsuerant, examinasset explorataque haberet Doctorû Medicorum de eo sensa, judicavit & judicare se literis conscriptis testificatus est, illum post Deum ac B. Virginem S. FRANCISCI XAVERII intercessioni esse adscribendum & ut talem vulgandum, prout patet ex authenticis ejus tabulis confectis Dublini 12. Junii 1665.

Idem censuit de liberatione Pauli Aylward ab Asthmate, & uxoris ejus à profluvio sanguinis, ac Catharina Gall ab acuta Paralyfi *Watersfordiæ* impetratâ, ut constat ex literis Dublino datis 25. Januarii 1666.

§. 6.

DE *Ferdinando Muller* ad usum cultumque Imaginis X A-
VERIANÆ, quæ *Mecliniæ* miraculis Reliquiis fuerat
applicata, sanato *Warburgi* in Diœcesi Paderbornensi Anno 1666.
cùm relatione rei gestæ à parentibus subscriptâ, legitima testimonia
miserunt Rev. Admodum D. *Ioannes Meyer* Pastor disti Oppidi, &
Rev. Adm. P. F. *Bernardus Bierman* Prior Conventus RR. PP.
Ordinis *S. Dominici*. Ibidem ulterius res examinatur.

Plurima adhuc alia beneficia à variis accepta referuntur Sancto
FRANCISCO XAVERIO, cultuique miraculosarum ejus Reli-
quiarum *Mecliniæ*, de quibus, quia legitimâ auctoritate nondum
sunt approbata, in hisce Chronicis non fit mentio. In non pauca
etiannum inquiritur in variis Episcopatibus.

MIRABILIS DEVS IN SANCTIS SVIS. p. 67.

Facultas R. P. Provinciæ Societatis JESU
Provinciæ Flandro - Belgicæ.

Ego infra scriptus Societatis JESU Præpositus Provincialis in Provincia Flandro-
Belgica, potestate ad hoc mihi facta ab admodum R. P. Nostro JOANNE
PAULO OLIVA Præposito Generali ejusdem Societatis, concedo Gisberto
Lintsio Typographo jurato Mecliniensi Facultatem typis mandandi librum, cui Titulus
Mecliniæ Illustrata Miraculis S. FRANCISCI XAVERII, à R. P. GE-
RARDO GRUMSEL Societatis nostræ Sacerdote conscriptum & à deputatis
ejusdem Societatis Theologis examinatum & approbatum. In quorum fidem has manu
mea subscripsit & officii mei Sigillo munitas dedit Antverpiæ 19. Aprilis 1666.

ÆGIDIUS VANDER BEKE.

CENSURA.

Miracula Sancti Patris *FRANCISCI XAVERII*, quibus *Mecliniam* Illu-
stravit; Miraculo similis *GERARDI GRUMSELI* Vena tibi
sistuntur, Lector. Arcta Poësis est, quia syllabis alligata; arctior, quia literis;
arctissima, quod eidem semper anno congruentibus. In hisce tamen angustiis
tam libero, terloque uti stylo Miraculum dicerem, nisi *XAVERII* id adscri-
berem beneficio, qui prodigiis suis hoc adderet prodigii, quod ea prodigiosè
evulganda curaret. Concitabit igitur auctor, vere in hac Palæstra mirabilis,
admirationem; admiratio amorem juxta & utilitatem. Ita censeo.

NEESEN Canon. Theol. Mecliniensis
Librorum Censor.